

Naalakkersuisut siulittaasuut

Landsstyreformanden

Jens Lars Fleischer
Siumut
Landstingsgruppen

§36, imm. 1, 05. September 2006-imeersumut akissut

Asasara Jens Lars Fleischer.

Apeqqtinnut qujavunga. Neriuppunga akissutigaa naamagissagit.

Arctic Green Food-ip aamma Royal Greenland A/S-ip akornanni unammilleqatigiinnermut immikkut piumasaasut atorunnaarsinneqarnissaat anguniarlugu suliaq Naalakkersuisunit aallartinneqarnikuungilaq.

Ruth Heilmannip § 36, imm 1. aqutigalugu 3. juli 2006-imi apeqqutaanut akissuteqaatinni ilaatigut ima allappunga:

“Unammilleqatigiinnermut immikkut piumasaasut maannakkut atuuttut Nuka A/S-iugaluup (maannakkut AGF-ip) Royal Greenland A/S-imiit immikkoortinneqarnerata inerneraa. Isumaqatigiissutit Unammilleqatigiinneq pillugu ataatsimiittamut saqqummiunneqarput. Tassalu pineqarpoq aktieselskabit marluk akornanni isumaqatigiissut Naalakkersuisut aallaqqaatitut allanngortissinnaanngisaat aktieselskabit pillugit inatsit tunngaviummat. Unammilleqatigiinnermut immikkut piumasaasut peerneqarnissaat immikkut piumarineqarpat Naalakkersuisut selskabit siulersuisui taamatut piumaffigisinnaagaluarpaat ileqquusumik ataatsimeersuarneni. Naalakkersuisulli maannarpiaq ataatsimut isigalugu taamatut kissaateqannginnamik apeqqtut selskabinut isumagisassanngortippaat.

Naalakkersuisut maannarpiaq unammilleqatigiinnermut immikkut piumasaasut peernissaat namminneq sulissutigiumanngimmassuk tamatumunnga patsisaavoq isumaqannginnatta pinngitsoorani inuiaqatigiinnut iluaqutaassasoq. Tamatuma peqatigisaanik Naalakkersuisut pasillerneqarumangillat selskabi ataaseq allamit pingaarnerutikkitsik, tamatumani ilanngullugu selskabi namminersortoq. Naalakkersuisulli oqaasiinnartigut selskabinut oqaatigaat takorusukkaluarlugu selskabit taak-

18. september 2006
J.nr. 60.10

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

*kua marluk unammilleqatigiinnermut piumasaasunik killilersuinnginnerusunik nu-
taamik isumaqatigiissuteqallaqullugit.*

*llumoorpoq unammilleqatigiinnermut immikkut piumasaasut patsisaallutik AGF su-
sassaqarfiit ilaanni pilersitsisinnaanngimmat tamatumuunalu toqqaannanngikka-
luartumik inuussutissarsiornerup ineriartortitaanera akornusigaalluni. Allakkanni
apeqqut 1-imut tunngatillugu paasiuminaatsippara kissaatitigakku AGF-erpiaq
inuussutissarsiutit ineriartortinnissaannik pilersitsissasoq, tassami selskabi tassar-
piaamat Namminersornerullutik Oqartussanit pigineqartoq kiffartuunneqarnissa-
mik isumaqatigiissuteqarluni. Tassalu unammilleqatigiinnermut immikkut piumasa-
sut selskabit allat aallartitsinissaannut akornusersuisuunngillat. Niuernikkut periar-
fissat eqqartukkatit niuernermit isigalugit akilersinnaappata inuussutissanut imaa-
neersunut selskabit namminersortut arlaqarput pilersaarutininik aallartitsinnaasut.
Tamatumani saniatigut inuussutissarsiutinut nunamiittunut aalisarnermullu tapiissute-
qartarnermut aaqjissuussinerit arlaqarput taamatut suliniuteqarnermi tapiissutinik
qinnuteqaateqarfigineqarsinnaasut.*

*Pissutsit qanoq innerat isigigaanni Royal Greenland ukiuni kingullerni pitsavimmik
ineriartorpoq, kisiannili selskabi suli aningaasatigut periarfissakippoq 22 procent-
imik nammineq aningaasanik sillimmateqarluni 1,4 mia. kruuninillu akiitsoqarluni.
Unammilleqatigiinnermut immikkut piumasaasut ilaatigut atorineqartarput akiligas-
sarsiniarluni isumaqatigiinniarnerni akiligassarsivigineqartullu qularnaarutigisarpaa
Namminersornerullutik Oqartussat niuernermit tunngasut soqutiginarnerpaat sel-
skabimut allamut nuunneq ajormatigik. Tassalu ilimagineqartariaqarpoq unammil-
leqatigiinnermut immikkut piumasaasut peerneqarpata RG-p aningaasalersuiner-
mut aningaasartuutai annertuumik qaffassasut.”*

Ruth Heilmannip akissuteqarfigineqarnerata kingorna suliamut tunngatillugu nutaa-
nik allanik pisoqanngimmat akissutigaa naammaginartutut isigaara.

Inussiarnersumik inuulluaqqusillunga

Hans Enoksen